



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

Quid sit fides. tit. 37

urn:nbn:de:hbz:466:1-29452

TITVLVS XXXVII. 141

peccārunt Romani grauissimè, & etiam puniti sunt,
sic iam potestas peccat, hanc libertatem credendi per
mittens.

QUID SIT FIDES.

TITVLVS XXXVII.

Fides sunt notanda. Primo, quid sit fides Christiana. Secundo, Cur Deus illam exigit ab homine: Tertio, Qui sunt fructus eius. Primo, fides est fiducia certa consequendarum rerum, quæ promissæ sunt à DEO, pœnitenti corde propter Christum. Hebr. ii. Fides est substantia, id est, certa fiducia, non dubitatio, non opinio: qui enim dubitat, Deum mendacem facit, id est, tenet eum pro incerto in suis verbis & promissis, i. Ioann. 5. Secundo, ad impetranda illa quæ sunt promissa propter Christum, qualis est remissio peccatorum. Actor. 10. Huic omnes prophetæ testimonium perhibent, &c. Donatio Spiritus sancti, Ioan. 14. Vita æterna, Ioan. 3. quam dabit pater in nomine meo: &cç. Qui credit in filium, habet vitam æternam. Tertio, Pœnitenti corde. Nam promissio misericordie non apprehenditur sine pœnitentia cordis & contritione, Marc. 1. Pœnitentia, & credite &c. Quartò, propter Christum, qui est causa misericordiæ, non tua fides & opera, Coloss. 1. Complacuit patri sibi omnia, &cæt. Nota, fides est substantia, id est, fundamentum: at supra fundamentum erigitur ædificium, id est, bona opera, i. Corinthior. 3. Fundamentum est Christus &c, non ergo ociosa est cogitatio fides.

Secundò, Deus exigit & præcipit fidem, ut sciat homo, quod habeat superiorem dominum, à quo omne venit, quod est & habet bonum, ut in illum solum sperret, illum solum diligit & timeat, Iaco. 1. omne donum bonum, & omne donum perfectum; 2. Corint. tertio.

Kk Non

142 SVMMA DOCTR. CHRIST.

Non sumus sufficientes aliquid cogitare ex nobis, tanquam ex &c. Et ideo quoniam vult Deus à cœatura (id est, homine) cognosci, coli, & sibi gratias pro beneficijs agi: ideo fidem exigit, & non vult sine fide salvare, aut iustificare, vel donare &c.

Tertiò, fructus (id est, utilitas) fidei est, quod ipsa est medium, per quod Deus vult distribuere beneficia, quæ meruit Christus, id est, iustificationem: Romano. 3. Arbitramur hominem iustificari fide ab aliis operibus legis. Receptionem in gratiam & filium, Ioan. 1. dedit illis potestatem &c. donationem spiritus sancti, Ioan. 14. quem mittet pater in nomine meo & cæt. & vitam æternam, Ioan. 6. Hec est voluntas patris mei qui misit me, ut omnis qui videt filium, credit in eum, habeat vitam æternam. Sine hoce medio fidei, nemo apprehendit beneficia Christi, iam iudicatus est, Ioan. 3.

Sed hoc cautè notandum, quod sola viua fides est medium, per quod apprehenditur gratia Dei. Est autem viua fides, quæ adiunctorum habet poenitentiam Marci 1. poenitentimi & credite Euangelio.

Secundò, dilectionem Dei & proximi, Galatas 2. Fides quæ per dilectionem operatur absq; illis, fides mortua est, Iac. 2. & quoniam opera testantur ad fidem, ideo solum cogitare, Christus pro me moriū est, & resurrexit Romanor. 4. sine poenitentia dilectione, non est fides. Non igitur volunt separata fides & opera, sicut nec ignis & calor eius &c.

Non sufficit ergo externè tantum credere Christum pro te natum & passum, sine propria cordis plenitentia & dilectione.

D E INTEGRA FIDE
Christi.

TITVLVS XXXVIII.